



Kwa kuwa hamna kuhani mkuu asiyeweza kuchukuana nasi katika mambo yetu ya udhaifu; bali yeye alijaribiwa sawasawa na sisi katika mambo yote, bila kufanya dhambi.—**Waebrania 4:15.**

Maisha ya Kristo yalikuwa yametengwa sana pale Nazareti kiasi cha dunia kutomjua Yeye kama Mwana wa Mungu — Mkombozi wao. Alionekana kutokuwa zaidi ya mwana wa Yusufu na Mariamu. Maisha Yake utotoni na ujanani yalikuwa ya kushangaza. Ukimya kulingana na tabia Yake na utume Wake uliotukuka yana somo lenye mafunzo kwa vijana wote. Utii Wake mwaminifu kwa wazazi Wake hadi alipofikia umri wa miaka thelathini ni kielezo cha kuigwa na vijana zaidi ya Yesu katika Gethsemane na katika Kalvari.

Kamwe hatutahitajika kustahimili maumivu makali ya Mwana wa Mungu aliyoyabeba kwa ajili ya ulimwengu wenye hatia; bali maisha Yake ya kujisalimisha na utiifu Wake aminifu kwa wazazi Wake ni kielelezo kwa ajili ya watoto na vijana. Japokuwa kamwe hawawezi kama ilivyokuwa kwa Mkombozi, kupata uzoefu wa maumivu makali ya Gethsemane au Kalvari, inawapasa waige maisha ya Kristo katika unyenyekevu, kujikana nafsi, kujitoa na katika watoto, utiifu wenye uaminifu kwa wazazi wao...

Bwana alikuwa amemfunulia Yohana kwamba Yesu angekuwa kati ya wale wataradhia ambao wangepokea ubatizo mikononi mwake, na kwamba angempatia ishara maalum ambayo kwa hiyo angemjua Mwana-Kondoo wa Mungu, na kuitisha usikivu wa watu Kwake kama Masihi aliyekuwa ametarajiwa kwa muda mrefu.

Yohana alikuwa amesikia kuhusu tabia isiyo na waa na usafi usio na doa wa maisha ya Kristo, na kwamba Yeye alidai kuwa Mwana wa Mungu. Alikuwa ametaarifiwa juu ya maswali na majibu Yake ya hekima Hekaluni, ambayo yaliwashangaza madaktari. Alikuwa amesikiliza kughani kwa kijana huyu wa Galilaya akiwanyamazisha madaktari kwa mantiki Yake yenye kina. Alifikiri kuwa huyu lazima alikuwa ndiye Mwana wa Mungu, Masihi aliyehidiwa...

Mara jicho la utambuzi la Yohana lilipomwona Yesu, moyo wake uliamshwa kwa hisia ya kina sana. Alijua kwamba hakuwa kama mtu mwingine yeyote aliyepata kupokea huduma ile takatifu kutoka mkononi mwake. Yeye alikuwa na usadikisho wenye nguvu kwamba huyu alikuwa Ndiye Kristo ambaye Musa na manabii walikuwa wameandika kumhusu. Moyo wake ulimwelekea Kristo kwa upendo wenye nguvu na kicho ambacho hakuwa amepata kukihisi kamwe. Angahewa tu la kuwepo Kwake lilikuwa takatifu na lililochochea hali ya kicho... Moyo wake ulikuwa haujawahi kusiimuliwa kwa hisia za namna hiyo kama ilivyokuwa sasa katika kuwepo kwa Kristo...

Kristo alikuja kupata ubatizo, sio kwa ajili ya ungamo la dhambi kwa ajili ya toba, kwani hakuwa na doa la dhambi... Kwa njia ya ukamilifu wa tabia Yake alikubalika kwa Baba kama mpatanishi kwa ajili ya mwanadamu mwenye dhambi... Kapteni wa wokovu wetu alikamilishwa kwa njia ya mateso, na kwa namna hiyo akafanywa afae kumsaidia mwanadamu aliyeanguka dhambini pale hasa alipouhitaji msaada (Youth's Instructor, Januari 1, 1874).